



Republika e Kosovës
Republika Kosovo-Republic of Kosovo
Kuvendi - Skupština - Assembly

Legjislatura e III-të

Komisioni për Arsim, Shkencë, Teknologji,
Kulturë, Rini e Sport
Mbledhja nr. 30
Prishtinë, më 14.07.2009
Salla N-225 ora 11,00
Ndërtesa e Kuvendit të Kosovës

PROCESVERBAL

Nga mbledhja e Komisionit për Arsim, Shkencë, Teknologji, Kulturë, Rini e Sport

Në mbledhje morën pjesë: Agim Veliu, Gani Buçinca, Adem Hajdaraj, Arsim Rexhepi, Donika Kadaj-Bujupi, Heset Cakolli, Mark Krasniqi dhe Dragan Dimiq
Munguan: Drita Kadriu, Enis Kervan dhe Memli Krasniqi.

Nga sekretaria e Kuvendit mori pjesë: Lule Ymeri dhe Drita Çarkaxhiu

Në mbledhje prezantuan përfaqësuesit e OSBE-së, NDI-së, përfaqësuesi nga presidenca dhe përfaqësuesi nga mediat e Kuvendit.

Mbledhjen e udhëhoqi **Agim Veliu**, kryetar i Komisionit.
Për këtë mbledhje është paraparë ky:

Rend dite

- 1. Miratimi i procesverbalit nga mbledhja e kaluar.**
- 2. Shqyrtimi i amendamenteve të Projektligjit për fuqizim dhe pjesëmarrje të rinisë.**
- 3. Të ndryshme.**

Rendi i ditës u miratua nga anëtarët e Komisionit.

Agim Veliu -kryetar, konstatoi se janë plotësuar kushtet për fillimin e mbledhjes.

2. Miratimi i procesverbalit nga mbledhja e kaluar.

Kryetari i Komisionit- konstatoi se Komisioni miratoi procesverbalin e mbledhjes së datës 8.07.2009 me disa plotësime.

2. Shqyrtimi i amendamenteve të Projektligjit për Fuqizim dhe Pjesëmarrje të Rinisë.

Agim Veliu -kryetar, konstatoi se Komisioni në mbledhjen e datës 8.7.2009 ka shqyrtuar dhe propozuar disa amendamente në Projektligjin për fuqizim dhe pjesëmarrje të rinisë. Këto amendamente Komisioni funksional do ti procedojë komisioneve kryesore me qëllim të shqyrtimit të mëtejshëm dhe procedimit të tyre për miratim në Kuvend.

Kryetari propozoi që amendamentet e propozuara të Komisionit të shqyrtohen dhe të miratohen.

Adem Hajdaraj – propozoi që titulli i projektligjit të ndryshohet dhe të jetë: Projektligji për pjesëmarrjen e rinisë”

Ky propozim amendament nuk u përkrah nga anëtarët e Komisionit.

Raportuesi i Projektligjit Arsim Rexhepi në vijim i lexoi amendamentet e propozuara të Komisionit.

Amendamenti 1

Neni 2. 1 riformulohet: **“Përgjegjësitë themelore për fuqizimin e sektorit rinor në Kosovë dhe përkrahjen e pjesëmarrjes së të rinjve në vendimmarrje”.**

Amendamenti 2

Neni 3, Përkufizimet riformulohen si vijon:

Neni 3.1. riformulohet: **“Moshë rinore”** ose **“i ri, e re”** - është grup-mosha e të rinjve prej 15 deri 24 vjeç.

Neni 3.2. në reshtin e parë fjala **“nënkupton një”** zëvendësohet me fjalën **“është”**.

Neni 3.3. Të harmonizohet në tri gjuhë “Ministria” - nënkupton Ministrinë e Kulturës, të Rinisë dhe të Sportit.

Neni 3.4. riformulohet: “Qendër rinore” është hapësira e funksionalizuar për zhvillimin e veprimit të të rinjve e licencuar nga drejtoria komunale përgjegjëse për rini.

Neni 3.5. në reshtin e parë fshihen fjalët **“nënkupton atë segment të shoqërisë që”** vazhdon teksti si në Projektligj.

Neni 3.6 në reshtin e parë fjala **“nënkupton”** zëvendësohet me fjalën **“është”**.

Neni 3.7 riformulohet: **“Drejtori komunale e rinisë”** - është drejtoria komunale e kulturës, rinisë dhe e sportit.

Neni 3.8, riformulohet. “**Këshilli i veprimit të rinisë**” – është organ i përfaqësimit rinor, i përbërë nga përfaqësuesit e organizatave rinore jofitimprurëse të nivelit qendror dhe lokal.

Neni 3.9, riformulohet: “**Punë vullnetare e rinisë**” – është një veprimtari e rinisë e **organizuar nga Institucioni përkatës**, ku të rinjtë vullnetarisht ofrojnë kohën, punën, njohuritë, aftësitë e tyre pa pagesë apo shpërblim, në shërbim të komunitetit, për të mirën e shoqërisë. Puna vullnetare e rinisë do të njihet si përvojë pune **nga Drejtoria Komunale për Kulturë, Rini dhe Sport përkatësisht Ministria**.

Dëshminë për këtë e lëshon Institucioni përkatës.

Neni 3.10, riformulohet: “**Edukimi joformal**” – është veprimtaria mësimore e realizuar gjatë tërë jetës, me qëllim të përmirësimit të njohurive, të shkathtësive dhe të kompetencës, në kuadër të perspektivës individuale, qytetare, shoqërore që lidhet me punësimin.

Amendamenti 3

Neni 5. “Përgjegjësitë e të rinjve”.

Pikët në vazhdim fshihen dhe riformulohen si vijon:

5.1. Të rinjtë, respektojnë parimet e paqes, të drejtësisë dhe të mirëkuptimit ndërmjet njerëzve që kanë për qëllim mirëqenien dhe zhvillimin në Republikën e Kosovës.

5.2. Të rinjtë, respektojnë barazinë dhe dinjitetin e të gjithë njerëzve, të garantuar me Kushtetutën e Republikës së Kosovës.

Amendamenti 4

Neni 6. 1 në rreshtin e parë fshihet fjala “pas këshillimit” zëvendësohet me “**në pajtim**” dhe në rreshtin e fundit fshihet fjala “**sidomos**”.

Amendamenti 5

Neni 12, pika 1, në rreshtin e katërt pas fjalës ‘**të ri**’ fshihet teksti.

Neni 12, pika 3, fshihet fjala “pas këshillimit” zëvendësohet me “**në pajtim**”.

Amendamenti 6

Neni 13. 2. pas paragrafit **2.6** shtohet **paragraf i ri**.

2.7. “Ambient, planifikim hapësinor dhe zhvillim rural”.

Anëtarët e Komisionit miratuan amendamentet e propozuara dhe të njëjtat i procedohen Komisioneve kryesore për shqyrtim.

3. Të ndryshme

Anëtarët e Komisionit debatuan lidhur me vizitat e planifikuara në Drejtorinë Komunale të Arsimit lidhur me zbatimin e ligjeve të arsimit dhe u pajtuan që të njëjtat të realizohen gjatë muajit shtator.

Mbledhja e Komisionit përfundoi në orën 12,10.

***Kryetar i Komisionit,
Agim Veliu***